

Mje čerstwa woda wokřewja,  
 Hdyž druhi wino rozliwa,  
 A runjež słomjana  
 Mje třecha přikrywa,  
 Šac najrjeńši  
 Mam na swěci.

Šac najrjeńši\*  
 Mam w wutrobi:  
 Tón woheń njerozškrje,  
 Tón žołma njepóžrje,  
 Zamk k njemu njetrjebam,  
 So směju paducham;  
 Wón dosaha  
 Hač do rowa.

Što chcu ja wjac',  
 Hač tajki šac  
 Na pućik žiwjenja  
 Přez kraj a přez morja,  
 Z nim lóžcy wukupju  
 Swět z cyłej krasnosću;  
 Hač do smjerće  
 Mi dosahnje.

(28. | 1. 1856.)

\* 1. recens.:

Šac najdróžši  
 Mam w wutrobi,  
 Tón zamkać njetrjebam,  
 So směju paducham.

Njej' to mi kubleško  
 Pře wšitko bohatstwo,  
 Hdyž žida mje  
 Tež njekryje?

